

গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা

সংবাদ গতিধারা

সংখ্যা : ১২/২০১৭

ঢাকা, সোমবার ১৬ জানুয়ারি ২০১৭, ৩ মাঘ ১৪২৩

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। ডিইইএফ সম্মেলনে যোগ দিতে সুইজারল্যান্ড গেছেন প্রধানমন্ত্রী
- ২। আখেরি মোনাজাতে অংশ নিলেন রাষ্ট্রপতি ও প্রধানমন্ত্রী
- ৩। আগামী ২০১৮ সালে রামপাল বিদ্যুৎকেন্দ্র চালু হবে : অর্থমন্ত্রী
- ৪। প্রতিদিন ৩০ লাখ লোক জাতীয় তথ্য বাতায়নে প্রবেশ করছে
: অনলাইন পুলিশ ক্লিয়ারেন্স সেবার উদ্বোধনকালে স্বরাষ্ট্রমন্ত্রী
- ৫। নাগরিকত্ব আইনের খসড়া ভেটিংয়ে প্রবাসীদের সুবিধা অসুবিধা পর্যালোচনা করা হবে : আইনমন্ত্রী
- ৬। চলতি অর্থবছরে ২৭ লাখ কর্মসংস্থান হবে : সংবাদ সম্মেলনে পরিকল্পনামন্ত্রী
- ৭। এখন পদ্মা পার হওয়া যাবে এক ঘন্টায়
: কাঁঠালবাড়ি শিমুলিয়া নৌরঞ্জ উদ্বোধন অনুষ্ঠানে নৌ পরিবহণ মন্ত্রী
- ৮। বাংলাদেশে ৫০ লাখ সোলার সিস্টেম চলছে : বিদ্যুৎ প্রতিমন্ত্রী
- ৯। হজ গমনেচ্ছুদের প্রাক-নিবন্ধন শুরু
- ১০। মুক্তিযোদ্ধা যাচাই বাছাইয়ে কমিটি গঠন
- ১১। নারায়ণগঞ্জে ৭ খুন মামলার রায় আজ

১। ডাল্টিইএফ সম্মেলনে যোগ দিতে সুইজারল্যান্ড গেছেন প্রধানমন্ত্রী

প্রধানমন্ত্রী শেখ হাসিনা ওয়ার্ল্ড ইকনোমিক ফোরামের (ডাল্টিইএফ) ৪৭তম বার্ষিক সম্মেলনে যোগ দিতে ৫ দিনের সরকারি সফরে সুইজারল্যান্ডের ডাভেস গেছেন। প্রধানমন্ত্রী এবং তার সফরসঙ্গীদের বহনকারী ইতিহাদ এয়ার ওয়েজের ফ্লাইটটি গতকাল ১৫ জানুয়ারি রোববার রাত পৌনে ১০টায় হ্যারত শাহজালাল আন্তর্জাতিক বিমানবন্দরে ত্যাগ করে। ফ্লাইটটি আজ ১৬ জানুয়ারি সোমবার স্থানীয় সময় সকাল পৌনে ৭টায় জুরিখ আন্তর্জাতিক বিমানবন্দরে পৌছাবে। সুইজারল্যাণ্ডে নিযুক্ত বাংলাদেশের রাষ্ট্রদূত এবং জাতিসংঘ কার্যালয়ের স্থায়ী প্রতিনিধি শামিম আহসান বিমান বন্দরে প্রধানমন্ত্রীকে অর্প্যথনা জানাবেন। সূত্র-ইন্ফোক (পৃ.১,ক.১), জনকর্ত (পৃ.১,ক.২), ডেইলি সান (পৃ.১,ক.১), এশিয়ান এজ (পৃ.১,ক.৪)।

২। আখেরি মোনাজাতে অংশ নিলেন রাষ্ট্রপতি ও প্রধানমন্ত্রী

রাষ্ট্রপতি মো. আব্দুল হামিদ ও প্রধানমন্ত্রী শেখ হাসিনা টঙ্গীর তুরাগ নদের তীরে অনুষ্ঠিত বিশ্ব ইজতেমার প্রথম পর্বের শেষ দিনে আখেরি মোনাজাতে অংশগ্রহণ করেন। গতকাল ১৫ জানুয়ারি রোববার বঙ্গভবন দরবার হলে পরিবারের সদস্য ও বঙ্গভবনের কর্মকর্তাদের সঙ্গে নিয়ে আখেরি মোনাজাতে অংশ নেন রাষ্ট্রপতি। প্রধানমন্ত্রী শেখ হাসিনা গণভবন থেকে এই মোনাজাতে অংশ নেন। গণভবনে প্রধানমন্ত্রীর সঙ্গে মোনাজাতে অন্যান্যদের মধ্যে শরিক হন কৃষিমন্ত্রী বেগম মতিয়া চৌধুরী, আওয়ামী লীগের প্রেসিডিয়াম সদস্য ও সাবেক স্বরাষ্ট্রমন্ত্রী সাহারা খাতুন, প্রধানমন্ত্রীর পরিবারের সদস্যগণ এবং আন্তর্যামী। মোনাজাতে দেশের অব্যাহত শাস্তি, অগ্রগতি ও কল্যাণ এবং মুসলিম উম্মাহর ব্যাপক এক্য লাভের জন্য প্রার্থনা করা হয়। ভারতের বিশিষ্ট আলেম মাওলানা সাদ এই মোনাজাত পরিচালনা করেন। সূত্র-ইন্ফোক (পৃ.১,ক.১), এশিয়ান এজ (পৃ.১,ক.১), বাংলাদেশ টুডে (শেষ পৃ.,ক.৫), যায়যায়দিন, এশিয়ান এজ, ইন্ডিপেন্ডেন্টসহ অধিকাংশ পত্রিকা এ বিষয়ে ছবিসহ খবর ছেপেছে।

৩। আগামী ২০১৮ সালে রামপাল বিদ্যুৎকেন্দ্র চালু হবে : অর্থমন্ত্রী

অর্থমন্ত্রী আবুল মাল আবদুল মুহিত বলেছেন, রামপাল বিদ্যুৎকেন্দ্র রামপাল-মংলা এলাকার জন্য অনেক বড় প্রকল্প। এ বিদ্যুৎকেন্দ্র নির্মাণ হয়ে গেলে এলাকা পাওয়ার হাব হয়ে উঠবে। আগামী ২০১৮ সালের শেষ দিকে এ বিদ্যুৎকেন্দ্র চালু হবে। গতকাল ১৫ জানুয়ারি রোববার রামপাল কয়লাভিত্তিক তাপবিদ্যুৎকেন্দ্র ও মংলা বন্দর পরিদর্শন করে অর্থমন্ত্রী এসব কথা বলেন। সূত্র-সমকাল (পৃ.১৯,ক.৫), জনকর্ত (পৃ.১৮,ক.৬), যুগান্তর (পৃ.২,ক.৮)।

৪। প্রতিদিন ৩০ লাখ লোক জাতীয় তথ্য বাতায়নে প্রবেশ করছে

: অনলাইন পুলিশ ক্লিয়ারেন্স সেবার উদ্বোধনকালে স্বরাষ্ট্রমন্ত্রী

প্রতিদিন ৩০ লাখ লোক (ভিজিটর) নানা ধরনের তথ্য জানতে জাতীয় তথ্য বাতায়নে প্রবেশ করে বলে জানিয়েছেন স্বরাষ্ট্রমন্ত্রী আসাদুজ্জামান খান কামাল। তিনি বলেন, আমরা যে উন্নত বিশ্বের দিকে এগিয়ে যাচ্ছি, এটি তার বড় উদাহরণ। গতকাল ১৫ জানুয়ারি রোববার রাজারবাগ পুলিশ লাইস অভিটরিয়ামে অনলাইন পুলিশ ক্লিয়ারেন্স সেবার উদ্বোধনকালে তিনি এসব কথা বলেন। উল্লেখ্য প্রধানমন্ত্রীর কার্যালয়ের এক্সেস টু ইনফরমেশন (এ টু আই) প্রোগ্রামে ও বাংলাদেশ পুলিশের যৌথ আয়োজনে এই নাগরিক সেবার উদ্বোধন করা হয়। এখন থেকে pcc.police.gov.bd এই ঠিকানায় ক্লিক করে অনলাইন পুলিশ ক্লিয়ারেন্স সেবা পাওয়া যাবে। সূত্র-ইন্ফোক (পৃ.৩,ক.৬), জনকর্ত (পৃ.১৯,ক.৩), বাংলাদেশ টুডে (শেষ পৃ.,ক.৫), ডেইলি সান (পৃ.৩,ক.৭)।

৫। নাগরিকত্ব আইনের খসড়া ভেটিংয়ে প্রবাসীদের সুবিধা অসুবিধা পর্যালোচনা করা হবে : আইনমন্ত্রী

আইন বিচার ও সংসদ বিষয়ক মন্ত্রী অ্যাডভোকেট আনিসুল হক বলেছেন, নাগরিকত্ব আইনের খসড়া ভেটিংয়ের ক্ষেত্রে বিদেশে বসবাসকারী বাংলাদেশি (প্রবাসী) নাগরিকদের সুবিধা অসুবিধা পর্যালোচনা করা হবে এবং এ আইন প্রণয়নের ক্ষেত্রে প্রবাসীদের সুবিধা অসুবিধা জানতে চেয়ে শৈশ্বরী বিজ্ঞপ্তি জারি করা হবে। তিনি জানান নাগরিকত্ব আইনের খসড়াটি ভেটিংয়ের জন্য এখন আইন মন্ত্রণালয়ে রয়েছে। গতকাল ১৫ জানুয়ারি রোববার মানিকগঞ্জের নবনির্মিত চিফ জুডিসিয়াল ম্যাজিস্ট্রেট আদালত ভবন ও জেলা জজ আদালত ভবনের সম্প্রসারিত ত্ত্বায় তলার উদ্বোধন অনুষ্ঠানে প্রধান অতিথির বক্তৃতায় তিনি এসব কথা বলেন। সূত্র-জনকর্ত (শেষ পৃ.,ক.৪), ইন্ফোক (শেষ পৃ.,ক.১), সমকাল (পৃ.৭,ক.১)।

৬। চলতি অর্থবছরে ২৭ লাখ লোকের কর্মসংস্থান হবে : সংবাদ সম্মেলনে পরিকল্পনামন্ত্রী

পরিকল্পনামন্ত্রী আ হ ম মুস্তফা কামাল বলেছেন, চলতি অর্থবছরে ২৭ লাখ লোকের কর্মসংস্থান হবে। এর মধ্যে ৭ লাখ লোকের দেশের বাইরে কর্মসংস্থান হবে। গতকাল ১৫ জানুয়ারি রোববার রাজধানীর শেরেবাংলা নগরের এনইসি সম্মেলনে কক্ষে এক সংবাদ সম্মেলনে তিনি একথা বলেন। পরিকল্পনামন্ত্রী বার্ষিক উন্নয়ন কর্মসূচি (এডিপি)

রেমিটেন্স, প্রবৃদ্ধি নিয়ে বিশ্বব্যাংকের পূর্বাভাসহ সামষ্টিক অর্থনীতির বিভিন্ন দিক তুলে ধরেন। পরিকল্পনামন্ত্রী বলেন, অর্থবছরের প্রথম ছয় মাসে দেশের সামষ্টিক অর্থনীতি বেশ ভালো অবস্থায় রয়েছে। তার ধারণা মোট দেশজ উৎপাদন (জিডিপি) প্রবৃদ্ধি হবে ৭ দশমিক ৫ শতাংশ। এ ধারা অব্যাহত থাকলে ২০১৭ সালে অর্থনীতি ২০১৬ সালের অর্থনীতির চেয়েও শক্তিশালী অবস্থানে থাকবে। সূত্র-সমকাল (পৃ.২,ক.৬), জনকর্ষ (পৃ.১,ক.৩), বাংলাদেশ টুডে (পৃ.৩,ক.১), ডেইলি সান (শেষ পৃ.,ক.২)।

৭। **এখন পদ্মা পার হওয়ায় যাবে এক ঘন্টায় :** কঠালবাড়ি শিমুলিয়া নৌরঞ্জ উদ্বোধন অনুষ্ঠানে নৌ পরিবহণ মন্ত্রী শিবচরের কাওড়াকান্দি ঘাট কঠালবাড়িতে স্থানান্তর করে গতকাল ১৫ জানুয়ারি রোববার আনুষ্ঠানিক উদ্বোধন করেছেন নৌ পরিবহণ মন্ত্রী শাজাহান খান। এজন্য খুলে দেওয়া হয়েছে পদ্মা সেতুর জন্য নির্মিত জাজিরা এপ্রোচ সড়কের শিবচর-কঠালবাড়ি অংশ। নতুন নামকরণ করা হয়েছে কঠালবাড়ি শিমুলিয়া নৌরঞ্জ। এখন পদ্মা নদী পার হতে সময় লাগবে সর্বোচ্চ এক ঘন্টা। কমছে দূরত্ব ও ভোগান্তি। উদ্বোধন অনুষ্ঠানে নৌ পরিবহণ মন্ত্রী বলেন, প্রধানমন্ত্রী শেখ হাসিনা যে উন্নয়নের গতি সৃষ্টি করছেন তারই মাইল ফলক এই কঠালবাড়ি ফেরিঘাট। সূত্র-জনকর্ষ (শেষ পৃ.,ক.৩), সমকাল (পৃ.৭,ক.৩)।

৮। **বাংলাদেশে ৫০ লাখ সোলার সিস্টেম চলছে : বিদ্যুৎ প্রতিমন্ত্রী**

বিদ্যুৎ, জ্বালানি ও খনিজ সম্পদ প্রতিমন্ত্রী নসরুল হামিদ বিপু বলেছেন, বাংলাদেশে ৫০ লাখ (৫ মিলিয়ন) সোলার সিস্টেমসহ নবায়নযোগ্য উৎস হতে ৪৭০ মেগাওয়াট বিদ্যুৎ উৎপাদন করা হচ্ছে। সংযুক্ত আরব আমিরাতের (ইউএই) আবুধাবিতে গতকাল ১৫ জানুয়ারি রোববার ‘ইন্টারন্যাশনাল রিনিউএবল এনার্জি এজেন্সি (ইরেনা)’ এর সপ্তম সম্মেলনের বক্তব্যে প্রতিমন্ত্রী এসব কথা বলেন। এ খাতের উন্নয়নে ইরেনার কাছে আর্থিক ও প্রযুক্তিগত সহযোগিতা কামনা করেন তিনি। বিদ্যুৎ প্রতিমন্ত্রী বলেন, নবায়নযোগ্য জ্বালানির জন্য নির্ভরযোগ্য ও সহনীয় মূল্যে প্রযুক্তি উন্নাবন করতে হবে। এজন্য প্রচুর গবেষণা ও বিনিয়োগ প্রয়োজন। পরিবেশবন্ধব নবায়নযোগ্য জ্বালানির প্রসারে ব্যাপক জনসচেতনতাও বৃদ্ধি করা দরকার। সূত্র-সংবাদ (পৃ.৩,ক.৪), যুগান্তর (পৃ.২,ক.৮), ডেইলি সান বিজনেস পাতা (পৃ.৪,ক.৩), অবজারভার (পৃ.১৭,ক.১)।

৯। **হজ গমনেচ্ছুদের প্রাক-নিবন্ধন শুরু**

চলতি বছর (২০১৭) সরকারি ব্যবস্থাপনায় যারা হজে যেতে চান তাদের প্রাক-নিবন্ধন কার্যক্রম শুরু হয়েছে। গত বছর বাংলাদেশ থেকে হজ গমনেচ্ছুদের প্রথম প্রাক-নিবন্ধন হয়। প্রাক-নিবন্ধনের মাধ্যমে এ নিয়ে দ্বিতীয়বারের মতো সুশৃঙ্খলভাবে সরকারি ও বেসরকারিভাবে মানুষ হজে যেতে পারবেন। গতকাল ১৫ জানুয়ারি রোববার সচিবালয়ে ধর্ম মন্ত্রণালয়ের সভাকক্ষে আয়োজিত এক সংবাদ সম্মেলনে এ কার্যক্রম উদ্বোধন করেন ধর্মমন্ত্রী অধ্যক্ষ মতিউর রহমান। সূত্র-সংবাদ (শেষ পৃ.,ক.৩), জনকর্ষ (পৃ.৩,ক.৬), বাংলাদেশ টুডে (শেষ পৃ.,ক.৬), এশিয়ান এজ (শেষ পৃ.,ক.৮)।

১০। **মুক্তিযোদ্ধা যাচাই-বাছাইয়ে কমিটি গঠন**

আগামী ২১ জানুয়ারি থেকে ১৮ ফেব্রুয়ারি দেশের সব উপজেলা, জেলা ও মহানগরে শুরু হচ্ছে প্রকৃত মুক্তিযোদ্ধা যাচাই-বাছাই কমিটি। এ জন্য মুক্তিযোদ্ধা হিসেবে তালিকাভুক্ত হতে ইচ্ছুক প্রায় দেড় লাখ আবেদন এবং সনদ ও গেজেটভুক্ত কিন্তু ভূয়া মুক্তিযোদ্ধা বলে অভিযোগ নিষ্পত্তিতে উপজেলা-জেলা মহানগর যাচাই-বাছাই কমিটি করেছে সরকার। গত ১২ জানুয়ারি এসব কমিটি গঠনের আদেশ জারি করে একই সঙ্গে মুক্তিযোদ্ধা যাচাই-বাছাইয়ে এর আগে গঠিত সব কমিটিও বাতিল করা হয়েছে। সূত্র-সমকাল (পৃ.২,ক.৫), ভোরের কাগজ (পৃ.১,ক.৪), বাংলাদেশ টুডে (শেষ পৃ.,ক.৮), ডেইলি সান (পৃ.১,ক.৮)।

১১। **নারায়ণগঞ্জে ৭ খুন মামলার রায় আজ**

নারায়ণগঞ্জে বহুল আলোচিত ৭ খুনে দায়ের করা দুটির মামলার রায় ঘোষণা আজ ১৬ জানুয়ারি সোমবার। নারায়ণগঞ্জে জেলা ও দায়রা জজ সৈয়দ এনায়েত হোসেনের আদালতে আলোচিত ৭ খুনের ঘটনায় দায়ের করা দুটি মামলার রায় ঘোষণা করা হবে। এ উপলক্ষে আদালত প্রাঙ্গণ থেকে শুরু করে আসামিদের যাতায়াতের রাস্তা এবং সাত খুনের ঘটনায় নিহত পরিবারগুলোর স্বজনদের নিরাপত্তার বিষয়টিও দেখবে বলে জানান জেলা পুলিশ সুপার। তিনি বলেন, রায় ঘোষণা থেকে শুরু করে পরবর্তী সব প্রক্রিয়াগুলো যেন শান্তিপূর্ণ ও স্বাভাবিকভাবে সম্পন্ন হয় সে বিষয়টিও তারা নিশ্চিত করবেন। সূত্র-সংবাদ (পৃ.১,ক.৫), ইন্ডেফোক (পৃ.১,ক.৩), বাংলাদেশ টুডে (পৃ.১,ক.৫), এশিয়ান এজ (পৃ.১,ক.৭) সমকাল এ বিষয়ে লিড নিউজ ছেপেছে।

সম্পাদকীয়

- ক. **ইঙ্গেফাক** : বরিশাল জেলার ৯টি উপজেলা স্বাস্থ্য কেন্দ্রে দীর্ঘদিন ধরে একশত চিকিৎসকের পদ শূন্য থাকার চিত্র দেশের অন্য স্থানেও বিদ্যমান থাকায় চাহিদা ভিত্তিক চিকিৎসক নিয়োগ দেওয়াসহ চিকিৎসকরা যেন নিয়োগপ্রাপ্ত স্থানে অবস্থান করে সে ব্যবস্থা নিশ্চিত করার সুপারিশ।
- খ. **সংবাদ** : দেশের বাজারে ২২ থেকে ২৩ হাজার ব্রান্ডের ওষুধ কোনরকম মান পরীক্ষা ছাড়াই বিক্রি হওয়ায়, মান যাচাই ছাড়া ওষুধ বিক্রি বন্ধ করার আহ্বান।
- গ. **জনকঠ** : ঝু-ইকোনমির মূল্যবান খনিজ উত্তোলন ও আহরণ সম্ভব হলে আগামীতে বাংলাদেশের অর্থনৈতিক উন্নয়নের গতিধারা নিঃসন্দেহে আরও এক ধাপ এগিয়ে যাবে বলে অভিমত।
- ঘ. **প্রথম আলো** : অনিয়ন্ত্রিত পর্যটন সুন্দরবনের আরেক বিপদের নাম হওয়ায় সুন্দরবনে জলঘাস ও পর্যটকের সংখ্যা নিয়ন্ত্রণ, আচরণ বিধি পালন এবং পর্যটনের এলাকা চিহ্নিত করে তদারকির ব্যবস্থা গড়ে তোলার ওপর গুরুত্বরোপ।
- ঙ. **সমকাল** : রাজপথে হকারের সমস্যা সমাধানে বাস্তবোচিত সমাধানের প্রত্যাশা।
- চ. **যুগান্তর** : যথাযথ বাজারজাতকরণের অভাবে কৃষক উৎপাদিতপণ্যের ন্যায্যমূল্য থেকে বন্ধিত হওয়ার পরিপ্রেক্ষিতে পণ্যের সুষ্ঠু বাজারজাতকরণ নিশ্চিত করার সুপারিশ।
- ছ. **ইনকিলাব** : ক্রেডিট কার্ড ব্যবহারকারী গ্রাহকদের ভোগান্তি করাতে কোথায় কোন দুর্বলতা রয়েছে কিনা তা যথাযথ পরীক্ষা নিরীক্ষা করে গ্রাহক সুবিধা নিশ্চিত করার প্রত্যাশা।
- জ. **ভোরের কাগজ, ইভিপেনডেট, নিউ এজ, নিউ নেশন** : রাজশাহী ও রংপুর অঞ্চলের শীতার্তদের পাশে দাঁড়ানোর তৎপরতা বাড়াতে সরকার, এনজিও, বেসরকারি ব্যাংক ও সংগঠনদের প্রতি আহ্বান।
- ঝ. **ইভিপেনডেট** : প্রতিবেশি দেশ থেকে বিপুল পরিমাণ সিগারেট চোরাচালানের কারণে সরকার বিরাট অক্ষের রাজস্ব আদায় থেকে বন্ধিত হওয়ায় সীমান্ত এলাকায় কড়া প্রহরার ব্যবস্থা জোরদার করার আহ্বান।
- ঞ. **ডেইলি সান, প্রথম আলো** : জীবিত অবস্থায় ‘জঙ্গি’ আটকের চেষ্টা করাসহ সর্বশেষ সন্ত্রাসী গ্রেফতার না হওয়া পর্যন্ত চলমান জঙ্গি বিরোধী অভিযান অব্যাহত রাখার ওপর গুরুত্বরোপ।
- ট. **নিউ এজ** : শিল্প কারখানা ও তৈরি পোশাক কারখানার নিরাপদ কর্মপরিবেশ নিশ্চিত করতে সরকারের নেওয়া ইন্টিগ্রেটেড ফ্যাট্রি ইস্পেকশন উদ্যোগের জোরদার প্রয়োগের পাশাপাশি স্বচ্ছতা নিশ্চিত করণে ইস্পেকশনের ফলাফল জনসমক্ষে প্রকাশের আহ্বান।
- ঠ. **নিউ নেশন** : ইংলিশ মিডিয়াম স্কুলে শিক্ষার্থীদের কাছ থেকে অতিরিক্ত ফি আদায়ের বিষয়ে হাইকোর্টের নির্দেশনা সরকারকে যথাযথভাবে প্রয়োগের সুপারিশ করে সম্পাদকীয় প্রকাশ করেছে।

উপ-সম্পাদকীয়

ইনকিলাব পত্রিকায় প্রকাশিত কলামে মানুষকে মূল্যবোধে উজ্জীবিত করতে হলে রাষ্ট্রের নীতিনির্ধারকদেরও মূল্যবোধের অনুসরণ করতে হবে। জনসাধারণের আঙ্গ অর্জন করতে হলে নিজেদের সততা ও আঙ্গশীলতার প্রমাণ রাখতে হবে বলে উল্লেখ করা হয়েছে।

নিবন্ধ ও ফিচার

সংবাদ পত্রিকায় প্রকাশিত কলামে ‘দারিদ্র্য কমেনি বেড়েছে জাতীয় প্রবৃক্ষ’ শিরোনামের নিবন্ধে আবদুল্লাহ আল মেহেদী বাংলাদেশের দারিদ্র্য জয়ের সবচেয়ে প্রয়োজন সরকারি-বেসরকারি যৌথ উদ্যোগ ও রাজনৈতিক স্থিতিশীলতা বলে অভিমত প্রকাশ করেছেন।

#